

玉

海

四十九

玉海卷第一百

浚儀王應麟伯厚甫

郊祀

祠宮

觀附

道家者流清靜沖虛歸真復樸後世說其風者觸類而長於是乎有演經鍊修之教延年祝釐之科報本通幽之訣上自后辟迄于臣民莫不鄉慕以祈效驗此宮觀之祠所以興也

周齊宮

周語虢文公曰王卽齊宮百官御事各卽其齊三日

王海卷一百
周閼宮

見宮類

漢壽宮

郊祀志武帝元朔三年游水發根言上郡有巫上召

置祠之甘泉

紀元朔四年冬行幸甘泉

神君言曰強與我會甘泉

於是上幸甘泉大赦置壽宮神君

注臣瓚曰壽宮奉神之宮也楚辭九

歌雲中君曰蹇將憺兮壽宮

神君最貴者曰大一其佐曰大禁司

命之屬皆從之非可得見聞其言與人音等時去時

來來則風肅然居室帷中時晝言然常以夜天子祓

然後入又置壽宮北宮張羽旗設供具以禮神君神

君所言上使受書其名曰畫法所言無絕殊者天子
心獨熹其事祕世莫知也 史記太史公曰子從入
壽宮侍祠神語 藝文志泰一雜甘泉壽宮歌詩十
四篇 括地志壽宮北宮皆在雍州長安縣西北三
十里長安故城中

封禪書鬼神接靈圉賓於閒館 上林賦靈圉燕於
閒館 班固賦建章甘泉館御列仙

漢竹宮

見甘泉宮

漢陽靈宮

甘泉賦迺搜述索耦臯伊之徒冠倫魁能函甘棠之
惠挾東征之意相與齊序陽靈之宮注祭天之處故

曰陽靈之宮也

李周翰曰
陽靈宮名

漢集靈宮 望仙觀

地理志京兆華陰縣大華山在南有祠豫州山集靈
宮武帝起 黃圖集靈宮集仙殿望仙臺望仙觀俱
在華陰縣皆武帝宮觀名 張昶華山碑世宗經集
靈之宮於其下想喬松之疇是游是憩郡國方士自
遠而至充巖塞崖必雲霄之路可升蕃昌之福可致
也 華山廟碑武帝脩封禪省五岳立宮其下宮曰

集靈殿曰存仙門曰望仙中宗之世使者持節歲一
禱而三祠建武之元禮從其省但使二千石歲時往
祠

又見桓譚仙賦序

西岳記武帝巡省五岳禮祀

豐備故立宮其下號曰集靈宮 藝文類聚後漢桓

君山有集靈宮賦

水經注敷水北逕集靈宮

漢郊宮

終軍傳專神明之敬奉燔瘞於郊宮獻享之精交神
積和之氣塞明注師古曰郊宮謂泰畤及后土

隋天經宮

志大業元年於東都固本里北起天經宮以遊高祖
衣冠四時致祭

唐紫府觀

詳見瑞星

薛頤傳貞觀時爲道士帝爲築觀九變山號曰紫府
拜太中大夫往居之

唐太一觀

潘師正傳高宗詔卽其廬作崇唐觀及營奉天宮又
敕直逍遙谷作門曰仙游北曰尋真時太常獻新樂
帝更名祈仙望仙翹仙曲劉道合亦居嵩山帝卽所
隱立太一觀使居之

永隆元年三月己未幸師正所
居舊史云云別起精思觀以

處之 太一觀
本朝為崇福宮

吳均傳玄宗時還嵩山詔為均立

道館 高宗振其風於前明皇張其教於後

關令尹傳曰尹嘉結草為樓精思至道周康王聞之

拜為大夫以其樓觀故號此宅為關令草草樓觀即

觀之始也

一云周穆王尚神仙因尹真人草樓在終南山之陰召幽逸之人尹軌杜沖謂之道

士居于草樓之所號草樓觀

道經有叢霄之觀明霞之館

唐紫雲萬歲觀

實錄乾封元年正月戊辰朔有事泰山戊寅詔兖州

置觀寺各三所

祀日有靈鶴及山呼之瑞故也

觀以紫雲仙鶴萬歲

為稱寺以封巒非煙重輪為名

唐開元觀

通鑑開元二十九年閏四月迎混元皇帝像置興慶宮五月命畫混元真容分置諸州開元觀

唐太清宮

見宮類 杜甫集朝獻太清宮賦鬱閎宮之律翠坼元氣以經締斷紫雲而竦牆撫流沙而承雷紛墮珠而陷碧耀波錦而浪繡今王巨唐帝之苗裔坤之紀綱土配君服宮尊臣商起數得統特立中央大樂在垂黃鍾冠八音之首太昊斯啟青陸獻千春之祥萬神開八駿迴旗掩月車奮雷騫七曜燭九垓能事穎

脫清光大來 金石錄會昌元年三月賈島撰新修
紫極宮記

唐昇仙宮

紀天寶二年正月乙卯作昇仙宮丙辰加號混元皇
帝曰大聖祖三月壬子享于混元宮

唐軒遊宮

國史柴通元傳所居承天觀卽唐軒遊宮有明皇詩
石及書道德經二碑真宗作二韻詩賜之

唐啟聖宮

唐史肅宗至德二年十二月詔天柱山老君廟改爲

啟聖宮 文粹寶曆二年新建聖祖院于大茅峰下

崇元觀之前上直華陽洞之南門 賈餗爲碑銘

唐望仙觀

紀會昌三年夏作望仙觀于禁中

六典凡天下觀總一千六百八十七所 王遠知傳

貞觀九年詔潤州三茅山爲觀俾居之璽詔曰立祠

觀以伸曩懷 葉法善傳先天中舍景龍觀 張果

傳至常山蒲吾縣或言尸解帝爲立棲霞觀其所

兩京記西京景龍觀景雲二年天台道士司馬承正

被召止於此觀

工部侍郎李適賦詩贈焉散騎常侍徐彥伯撮其美者二十一首爲之序

名爲白雲記傳於時開元十五年召至詔於王屋山
置壇室以王屋所居爲陽臺觀御書額 見本傳

景雲中作台州桐柏觀天寶元年三月御書碑額
文粹崔尙桐柏觀頌

建隆觀

建隆元年十一月親征揚州二年正月以行宮爲建
隆觀三年三月九日丁卯四月十一日戊戌十月二
日丙戌幸太清觀乾德五年六月二十四日開寶三
年二月十九日再幸建隆觀 又閭闔門外周世宗
建太清觀建隆初重修改名建隆觀齋修率就是觀
天禧四年正月十四日幸建隆觀

太平興國太一宮

興國六年司天楚芝蘭言按太一式有五福太一天
一地一直符君基臣基民基四神大游小游凡十太
一皆天之尊神也五福所在之處無兵疫人民安樂
凡行五宮四十五年一移自甲申歲雍熙元年移入黃室
巽宮在吳分蘇州請就其地預築宮祀之迎福貺從
之九歌有東皇太一中宮天極星其一明者太一
之常居祠興于漢元光二年郊見于元鼎五年
六年十月甲午蘇州言太一宮成楚芝蘭又言都城
東南地名蘇村可徙築宮於此以應蘇臺之名則福
集帝都太宗曰太一天之貴神也所臨之方民必受

福今四海一家若立廟尖中歲時嚴奉頗成疏遠

楚芝

蘭傳王言京師百神所集今京城東南一舍而近有地名蘇村於此爲五福太一建宮則萬乘可以親謁有司便於祇事從其議今月八年五月丁酉

實錄通略作丁

卯遂詔有司就城南蘇村營建命東上閤門使趙鎔

董其役十一月己未新宮成總千一百區凡十殿四

廊圖畫三皇五帝九曜七元二十八宿五嶽等神像

五百二十四命樞密直學主張齊賢與楚芝蘭共祠

五福太一用祭天之禮而殺其半昏祠至明如漢祀

之禮每歲四立日行祭祀命近臣攝事用幣冊祝無

牲祭命道士行醮禮又命廷臣內侍各一人掌之三

歲一易以兵衛守九年甲申

卽雍正元年

三月丙子立夏

致享祠官咸集甘露降祠庭八月丙申先遣學士賈

黃中致祭丁酉帝親祠

一本云初就幄殿若有微風動幄出朱雀門嘉氣塞路入

宮慶雲環日如飛鳳龜龍之狀

祭告太一詞曰夫明靈之降難可度

思精意苟存必垂昭格顧惟寡昧嗣守丕基而德教

未孚化源猶鬱日謹一日于茲九年苟非上帝垂休

明靈降鑒則安得民庶和樂豐穰荐臻荷此殊休實

由元貺惟神功施造化道貫幽明握上帝之靈符作

羣生之司命頃者觀臺效職保章獻言以爲躔次所

經將莅斗牛之分永惟靈馭下屬句吳且欲伸蠲潔

之誠豈復以封域爲限載營間館卜此近郊庶苾芬
之儀親承祀事飈歛之駕時覲神光納九有於胥庭
躋蒼生於富壽但以正辭而陳信敢言祕祝以求恩
渥化四年三月己丑朔司天言按太一式來歲太一
君綦臣綦皆臨宋分至乙未歲民綦亦至三綦皆天
之大福神主邦國乂寧五穀豐稔遠夷內附之應祥
符二年三月甲子三年十一月己亥親謁庚子王欽
若上親祠太一宮七言十韻詩上和而賜之

至天禧元年十

一月二十一日乙卯凡六臨幸或
祈或謝 天聖二年九月辛卯祠

太平興國靈仙觀

七年六月初舒州懷寧僧過民柯萼家詣萬歲山以

杖於古松下得黝石上刻誌公記云趙號

云云

云云

萼以石刻來獻於是詔舒州修司命真君祠

內

臣纂政敏董役

總成六百三十區號靈仙觀祥符三

年閏二月戊午遣官葺之五年閏十月丁丑名石曰

神告帝統石作詩紀其符應又作贊

興國鳳翔上清太平宮

國初有神降于鰲屋民張守真家守真爲道士卽所
居創北帝宮太宗嗣位真君降言有忠孝加福愛民
治國之語詔於終南山下築宮凡二年宮成宮中有